

Bara... (I'm sorry)

Skítseiði, þumbaldi, hrappsdurgur, himpi,
háldrumbur, námenni, loddari, drjóli,
skrattskunkur, soðsokkur, gumpsleikir, gimpi,
glapræðishundingi, broðháfur, fóli,
kláðamaur, prumpklepri, pungfrunsuvesti,
platari, frethólkur, graðhvannanjóli,
roppugoð, sorphnýsill, bílífisbessi,
blóðsuga, klækjakarl, tásveppasóli,
óféti, myglingur, munnræpuropi,
mannleysa, horgleypir, blekkingasjóli,
ribbaldi, svindlari, svikráðagopi,
svíðingur, taðtrantur, þrælvargur, Óli.

Tungubrjótur

- „Hnoðri úr norðri verður að veðri þó síðar verði.“
- „Árni á Á á á á á beit (við á).“
- „Stebbi stóð á ströndu og var að troða strý, en strý var ekki troðið nema Stebbi træði strý. Eintreður Stebbi strý, tvítreður Stebbi strý, þrítreður Stebbi strý...“
- „Frank Zappa í svampfrakka.“
- „Rómverskur riddari réðst inn í Rómarborg, rændi þar og ruplaði rabbabörum og rófum. Hvað eru mörg R í því?“
- „Barbara Ara bar Ara araba bara rabbara.“
- „Það fer að verða verra ferðaveðrið“
- „Það er langur gangur fyrir hann svanga Manga að bera þang í fangi fram á langa tanga.“
- „Barði barði Barða á Barði.“
- „Þessi svifflugvél er ekki svifflugvél í svifflugvélafélagi Íslands. En þessi svifflugvél er svifflugvél í svifflugvélafélagi Íslands.“

Þórður þurfalingur og Þorsteinn þorskabítur, þraukuðu lengi við þrotlausar þorskveiðar undan Þrídröngum í þurrki og þýðviðri

Teitur á Tjörnesi tyrfir með túnþökum traðirnar í túnfætinum sem tryppin og tröllsliguðu trússhestarnir tróðu og tröðkuðu

vaðlaheiðarvegavinnuverkfærageymsluskúraútidyralyklakippuhringur

Fallega spillir frillan skollans öllu,
frúin sú sem þú ert nú að snúa,
heiman laumast hrum með slæmu skrumi,
hrók óklókan krókótt tók úr flóka.
Riddari studdur reiddist lyddu hræddri,
réði vaða með ógeði að peði.
Biskupsháskinn blöskraði nískum húska,
í bekkinn gekk sá hvekkinn þekkir ekki.
Úr Þjóðsögum Jóns Árnasonar

Syðri garðurinn er síðri en sá nyrðri.

Ég kom við hjá Nirði niðri í ^{noðfirði} noðfirði nyrðri.

- Vatnsbali á velli, vatnsbali á velli . . .
 - Fló, lús, fluga færilús . . .
 - Eitt ber í kopp, tvö ber í kopp, þrjú ber í kopp . . .
 - Ein bóla á tungu minni, engin á morgun – tvær bólur á tungu minni, engin á morgun . . .
 - Ein væn, græn, kæn, laufrauð reyniviðarhrísla . . .
-
- Berðu klausuna þannig fram að varirnar á þér komi ekki saman.
 - Nefndu svo mjöðm og mjaðmarbein
 - og spaks manns spjarir,
 - að ekki komi saman á þér varir.

Tungubrjótar

- Þríbrotin blýkringla.
- Ljúktu upp lúgunni, ljúfurinn.
- Stuttur steyttur fluttur fleittr
Fljótt er breyttur skjótt hér threyttir
Tháttur skreyttur háttur hreyttr
Hætti neyttur mætti reytr
- Frank Zappa í svampfrakka.
- Syðri garðurinn er síðri en sá nyrðri.
- Grillið glamraði.
- Alla og Olla, Ella og Alli öll voru þau á þessu bölvaða skralli.
- Óli á Hóli á róli á hjóli frá Bóli.
- Hann Maximilian Mikjálsson er mikill maður og mörgum er hann velviljaður en mest um vert er þó um mátt og auðinn hans og mikillætiskort og mikla sál hans.

- Petrína þrjóna pantaði pakka af pulsum frá Pétri og Páli. Ef Petrína þrjóna pantaði pakka af pulsum frá Pétri og Páli, hvar er þá pulsupakkinn sem Petrína þrjóna pantaði?
- Það er sjón að sjá hann Jón sífellt að góna að konum oðar þrjóni eins og flón oft er tjón að honum.
- Eitt sinn þeyttust út um nótt átta kettir hratt og létt tuttugu rottur títt og ótt tættu og reyttu á sléttri stétt.

Fakírinn makaði rakspíra á makrílinn

Úlfar Úrvalsvarúlfur

Strengsskermsklemma

Grín Glímugrímur

Víxlhekluð silkilyklahylki


FACEBOOK

Úr öllum djöflaímígandi,
pungfúlu og ýldusæknu
fjóshaugum andskotans
hefði ekki verið hægt að
draga andfélagslegra og
yfirhöfuð drulludrattflenniverra
nafn en Air Iceland Connect.
Verði þeim að vondu.



Baggalútsmaðurinn og Orðbragðsmaðurinn
Bragi Valdimars Skúlason lýsti skoðun sinni
á umdeildri nafnbreytingu Flugfélags Íslands.

👍 387 🗨️ 1 🔄 41 🌐 1 📧 4 📌 19

Stafsetningarbögun

Ræ ég út á sérhljóðasæ
á sjálfri málfræðinni,
breiðir hafa brodd nema æ,
bara að ég þá finni.

Ge, gi, gí, gæ,
góða reglan engan villi.
Ke, ki, kí, kæ,
kemst hér ekkert j á milli.

Efna, tefla, hafna, höfn,
hefna, skefla, kafna,
nefna, kefla, safna, söfn,
sofna, efla dafna.

Gaman er að brjóta boð,
sem berast mér í hendur.
Ég ætla samt að setja j
í sækjendur og fjendur.

Upphafsstaf í Ísland haf
eins og kennir skólinn,
en laugardag með litlum staf
og líka blessuð jólin.

„Blessaður“, sagði Bangsimon
og bauð mér kaffi.
„Það er aldrei ypsilon
á eftir vaffi.“

(*Úr Menntámálum 1953;
Örn Snorrason kennari.*)

Mánuðirnir:

Ap, jún, sept, nóv, þrjátíu hver,
einn til hinir kjósa sér.

Febrúar tvenna fjórtán ber,
frekar einn þá hlaupár er.

Nokkur eintöluorð:

Kaffi, sykur, hveiti, mjólk,
kopar, silfur, bræði,
kæfa, lýsi, kæti, tólg,
kerskni, ástúð, mæði.

Nokkur fleirtöluorð:

Mjaltir, snoðir, mæðgur, glöp,
mægðir, feðgar, kenjar,
börur, herðar, buxur, sköp,
birgðir, tengdir, menjar.

(Höskuldur Þráinsson)